

Supuesto evidencia nobo den e caso di Natalee Holloway

ORANJESTAD (AAN): Awor parece cu tin un evidencia nobo den e caso di desaparicion di Natalee Holloway. Esaki ta sosode casi diesiete aña despues cu Holloway a wordo mira pa ultimo bes aki na Aruba, durante su vacacion.

Si esey ta asina e caso lo por duna un buelta inespera.

Ta asina cu e abogado y periodista mericano Greta van Susteren, cu tin hopi aña investigando e caso, e ta asegura cu el a haya un prueba importante.

Locual el a haya ainda e no a revela. Natalee Holloway a desaparece dia 30

di Mei 2005 mientras e tabata cu vakantie na Aruba. Despues di un esfuerso grandi pa logra haya sa su paradero, nunca el a ser haya. Na prome instante el a wordo raporta como secuestra.

E hulandes Joran van der Sloot ta e ultimo persona cu ken a mira e hoben aki na Aruba, locual ta hacie e sospechoso principal di su desaparicion.

Mester por corda cu e caso aki a pone Aruba cu hopi mal nomber na nivel internacional te cu awendia y e efecto cu esaki a causa pa e turismo di e isla ta en enorme.


Van der Sloot mientras tanto ta sintando castigo

na Peru pa e asesinato di Stephany Flores. El a wordo acusa na Merca di fraude telefonico y extorsion di informacion relaciona cu e paradero di Natalee Holloway.

E momento ey, Joran tabata tin 18 aña. Actualmente e tin 34. E ta registra como casa cu Leydi Figueroa for di 2014, cu ken e tin un yiu cu yama Dushy van der Sloot.

Actualmente e ta cera den e prison di alta seguridad di Challapalca na Peru. El a wordo condena na 28 aña di prison pa e caso di asesinato di Flores.

KIDNAPPED




LAST SEEN AT CARLOS & CHARLIES
MONDAY, MAY 29, 2005 1:30AM

NATALEE HOLLOWAY
CAUCASIAN AMERICAN FEMALE
BLUE EYES / LONG BLOND HAIR
5'4" 110 LBS. 18 YEARS OLD

ANY INFORMATION
PLEASE CALL 587-6222
OR CALL POLICE STATION 100

Periodista Mericano ta bisa di tin yabi den caso Holloway

Ministerio Publico ta bezig ta wak alternativa pa e storia di Greta Van Susteren por wordo scucha



ORANJESTAD (AAN): Relaciona cu e informacion cu ta circula riba e caso Natalee Holloway, Ministerio Publico di Aruba ta informa cu Dialuna 9 di mei ultimo a sali un relato den media cu e periodista Greta van Susteren lo ta dispone di prueba importante dor di cual e caso di Natalee Holloway por wordo solucioná.

Ministerio Publico a wordo informá riba 6 di mei ultimo tocante un overleg entre Sr. Richardson, alto comisario anterior di Polis di Aruba, y mama di Natalee Holloway, y siguiientemente cu Sra. Van Susteren.

E overleg aki a tuma lugar riba 22 di maart ultimo. Sra. Van Susteren bisa durante e overleg aki cu e ta dispone di informacion nobo cu lo solucioná e caso Holloway. Tambe el a bisa cu e no kier wordo scucha door di Recherche.

Ministerio Publico ta bezig ta wak awor alternativa pa asina e storia di Sra. Van Susteren por wordo scucha.

Te cu ta asina leu Ministerio Publico lo no duna mas informacion tocante e cuestion aki.